

乾隆五十五

臣王先謙敬編

臣周潤
繪蕃恭校

乾隆二十七年壬午春正月丙申諭今春朕恭奉 皇太后慶典

巡省江浙翠華所過宜沛隆施著將江蘇安徽浙江三省節年緩徵及未完地丁各項槩予蠲免○己亥命五城設廠平糶○丙午

上奉 皇太后啟靈南巡○丁未免直隸山東經過地方本年

額賦十分之三上年被災處所十分之五○戊申金德瑛卒以董

邦達爲左都御史程巖爲吏部左侍郎起莊存與爲內閣學士

原任

禮部侍郎○甲寅納延泰卒以多爾濟爲理藩院侍郎○乙卯諭沈廷

芳尙在道員任內奉職尙能勉因臬司缺員卽予簡擢乃自任事以來一味因循獨善於刑名讞牘並未實心經理上年忽條陳

曾子孟子門人請增入祀前將本朝湯斌從祀學宮似此擇摺浮文何濟實政國家信賞必罰明示彰瘡尙未能使天下之人盡皆知所省惕而猥以已往之人用虛言進退謂足轉移風俗能乎不能此皆明季相沿陳腐惡習狀所深惡且沈廷芳身任臬司在臬言臬律例之因革應言者不少而喋喋以此爲事其職任曠誤必多當卽降旨阿爾泰令其留意體察嗣據覆奏沈廷芳於所辦事件並經董率督催雖無貽誤而觀其才具實在難以勝任朕批諭以旣無大過尙可姑容俟南巡時再行察看今日召見東省藩臬見其精力衰頹已有老病之態詢以地方政務亦惟隨人唯諾並有猶豫懷疑之意其所見旣屬悠謬重以觀望墮心尙冀其力爲驅策克副兩司之職乎沈廷芳著以原品休致山東按察使員缺著閩鶚元補授俟試事畢卽行任事見在印務暫交阿爾泰委

人署理○己未歲上年徐垣奏黔省新開南明河徒勞無益請行
停止一摺伊以在黔身經之事至調任湖北後奏請未免取巧卸
責然所奏自屬公論卽降旨交吳達善秉公查覆今據勘明覆奏
該處多係峭壁一綫河流洶湧直瀉見在巨石滿河船不能行地
方官押令苗民終年負運荒廢農功甚爲苦累請將巡撫周人驥
及委勘之古州兵備道四十七混請歲修之貴陽府知府胡邦祐
交部嚴加議處等語周人驥四十七胡邦祐俱著嚴加議處封疆
大吏經理地方河運事宜卽始議籌畫未周工程難以興舉自應
據實奏明改正本無大咎若以通省官民兼累之事而固執已見
始終迴護遂非則其居心行事大不可問況該省地屬苗疆見在
邊圉永靖之時苗人雖有苦累亦爲安分隱忍然巡撫竟漠然聽
其屈抑而不顧尙能識安撫之義乎周人驥前在新江獲罪復經

朕棄瑕錄用自當益加奮勉實心圖報乃逞其剛愎之見有心文
過若此不可復留巡撫之任周人驥著來京候旨古州道四十七
係委勘大員惟知迎合愆愆不恤地方勞費深爲溺職貴陽府知
府胡邦祜迎合上司不恤民瘼俱著解任來京其餘承勘承修承
運各員均著交部查明分別議處其開河糜費各項銀兩俱著於
各該員及該管各上司名下照例按數分賠至徐垣雖屬取巧但
此事究由伊舉發姑從寬免其交部貴州巡撫員缺著喬光烈補
授輔德著補授南河布政使其按察使員缺著郭一裕補授

革職

○諭軍機大臣等徐垣前奏南明河一摺雖係地方公務而奏

請於調任之後未免取巧當卽有旨傳諭並令吳達善查奏今據
勘覆該處工程斷無可辦之理則周人驥之剛愎遂非各員之愆
憑誤事更不待言已有旨諭部矣在徐垣所言固不爲謬但在任

時既不救正於前而取巧陳奏且請以節省寬免分賠之項則巧爲他人開脫更巧爲本身卸責矣本應交部議處竊此事究由伊而發姑爲寬免其應賠之項不但前任藩司本分按數著賠如此案各員名下尚有無力完繳者亦令徐垣代爲完繳則取巧輕重分數適如其所自取將此一併諭令徐垣知之

二月戊辰免江南浙江經過地方本年額賦十分之三去秋被水處十分之五○賞借江蘇宿遷等州縣地方籽種○己巳以沈仲朋爲湖北布政使高誠爲北湖按察使

由糧道遷

○壬申祭河神

上

奉 皇太后渡河○閱清口東壩惠濟閘○諭原任左都御史梅穀成以康熙間舊人服官有年休致在籍今前來接駕雖齒踰八秩而神明不衰居鄉亦復安靜洵屬昇平耆瑞念其家計清素諸子內亦無通籍之人著加恩將伊子梅鉞賞給舉人一體會試以

示優眷○庚辰祭江神 上奉 皇太后渡江○閱京口兵○辛

巳 上幸焦山○壬午諭月朔之期朝臣例穿補服若遇日食仍穿補服殊非敬畏之意嗣後月朔如遇日食著穿常服永著爲例○甲申賜哈薩克阿布勒巴木比特阿木特比斯沙呢雅斯蘇勒統罕和卓博羅勒蘇勒統敕書曰爾等遣策伯克等入覲朕適巡幸南服特遣侍衛護送爾使人等至行在加恩宴賚今遣令起程所賜爾阿布勒巴木比特等段匹紬綾器什及使人冠服器什銀兩各有差從前爾等所告搶掠哈薩克之瑪哈沁查明首惡係色布騰等我兵追入俄羅斯該部落盡行縛獻訊出傷我官兵情事俱已正法至伊犁駐兵凡塔爾巴哈台巴爾楚克等處與爾等遊牧相近旣爲朕臣僕當聽將軍大臣等約束不可越境遊牧致遭驅逐又去年送爾等使人之喀爾喀梅楞達什敦多布邁瑪哈沁

被掠至爾沙呢雅斯蘇勒統所屬章呼斯巴圖爾巴雅木拜之地
卽派沙爾噶勒岱等護送轉回具見爾沙呢雅斯蘇勒統恭順之
忱朕甚嘉悅故於常賜外賞賚有加章呼斯巴圖爾等亦俱賞賜
沙爾噶勒岱此次親來又加賞銀兩其各祇受爾等惟約束庫部
永矢惓惓以愛無窮之澤○乙酉 上奉 皇太后臨幸蘇州府
○戊子 上謁 文廟○庚寅禮部尚書陳惠等奏 歷代帝王
廟正殿爲景德崇聖之殿舊制覆殿頂瓦用青色琉璃簷瓦綠色
琉璃考 文廟大成殿 前奉特旨改用黃色琉璃今 帝王廟
正殿所祀三皇五帝三代帝王皆以聖人在天子位亦應用王者
之制見值繕修除兩廡仍循舊制其正殿覆瓦請改純黃得旨所
奏是著改蓋黃瓦以崇典禮○癸巳增江蘇安徽浙江學額前減
軍流以下罪

三月甲午朔 上奉 皇太后臨幸杭州府○乙未 上幸海甯

閱海塘○丙申諭朕稽典時巡念海塘爲越中第一保障比歲潮勢漸趨北大壩實關海甯錢塘諸邑利害計於老鹽倉一帶柴塘改建石工卽多費帑金爲民開永承禦災捍患長所弗惜而議者率以施工難易彼此所見紛歧昨於行在先命大學士劉統勣河道總督高晉巡撫莊有恭前往工所錢試椿木朕抵浙次日卽從臨勘則柴塘沙性澀汕一椿甫下始多杆格卒復動搖石工固難措手若舊塘池內數十丈許土卽宜椿而地皆田廬聚落將移規石工毀斥必多欲衛民而先殃民其病甚於醫瘡剜肉矣朕心不忍且並外塘棄之乎抑兩存而贅疣可乎以茲蒿目熟籌所可爲吾民善後者惟有力繕柴塘得補偏救弊之一策耳地方大吏其明體朕意悉心經理定歲修以固塘根增坦水石簍以資擁護庶

幾盡人事而荷 神庥是朕所宵旰靡懷不能刻置者至繕工欲固購料不得不周見在採辦柴薪非河工疏葦之比向爲額定官價所限未免拮据應酌量議加俾民樂運售而官易集事其令行在戶部會同該督撫詳悉定議以聞朕爲浙省往復咨度之苦心其詳具見誌事一詩督撫等可並將此旨於工次勒石一通永志遵守毋忽○丁酉諭尖山塔山之開舊有石廟朕今親臨閱視見其橫截海中直偪大溜猶河工之挑水大壩實海塘扼要關鍵波濤衝激保護匪易但就目下形勢而論或多用竹簍加鑲或改用木櫃排砌固宜隨時經理加意防修如將來漲沙漸遠亦卽改築條石壩工俾屹然成砥柱之勢庶於北岸海塘永資保障該督撫等其善體朕意於可興工時一面奏請一面動帑趨辦並勒石塔山以誌永久○戊戌 上閱兵○己亥諭熊學鵬奏冊封安南

正副使德保顧汝修將在安南來往文移錄送備案內有顧汝修單銜致責該國王之書鈔錄呈覽一摺該撫於德保等奉使回程將一切往來文移留心體察據實入告甚得封疆大臣之體朝使持節冊封所以示懷柔而昭威信如該國王儀節少愆卽當據理面飭俾知所遵循無稍假借若既恭順將事則一切無關緊要體式並可無庸介意乃在伊境內時姑爲隱忍既出境復致書相責此適足以形見小氣怯耳此非可以謬託不辱君命也該國世篤奉上之忱且遠在海外無足重輕不知顧汝修此舉爲何事誠屬可鄙顧汝修本非通達事務之人況出使外藩並不會同正使擅自移書詰責而所爭執者又不識大體著交部嚴加議處德保既爲正使何以並不攔阻聽其單銜徑行著明白回奏其能學鴈所奏鈔檄著並發○諭軍機大臣等安南世爲本朝屬國凡遇朝使

冊封至伊國內自應遵行三跪九叩頭禮乃該國王玆於小邦陋見與冊使商論拜叩儀注原屬無知經德保顧汝修援從前杭奕祿等指示成例始知恪遵外藩不諳體制部臣應豫行宣示著傳諭禮部存記嗣後遇有安南冊封等事即將應行典禮並雍正六年及此次業已兩次遵行三跪九叩首之處告知派出之正副使令其永遠遵循無愆儀節○庚子免浙江節年未完地丁屯餉漕項並水鄉蠲課銀○壬寅 上幸觀潮樓閱福建水師○諭朕奉皇太后安輿莅茲南服所以省方觀民勤求治理其各處舊有行宮清驛所駐爲期不過數日但須掃除潔淨以供憩宿足矣固無取乎靡麗飾觀也而名山勝蹟尤以存其舊規爲得自然之趣從前屢降諭旨至爲明晰迺今自度淮而南凡所經過悉多重加修整意存競勝卽如浙江之龍井山水自佳又何必更興土木雖

成事不說而似此踵事增華伊於何底轉非朕稽古時巡本意且河工海塘爲東南民生攸繫朕廬懷宵旰時切紆籌地方大吏果加意修防永資捍禦則茲之親臨閱視其欣慰當何如者而田疇豐潤井里熙恬卽所以博朕愜覽不在彼而在此也嗣後每屆巡幸之年江浙各處行宮及名勝處所均毋庸冉事增葺徒滋糜費卽圯壞褻飾不至年久剝落亦悉仍其舊此實不僅爲愛惜物力起見也該督等其各善體朕諭敬相遵守○賜浙江召試貢生沈初等二人舉人與進士孫士毅等二人並授內閣中書○癸卯

上奉

皇太后臨視織造機房○丙午

上奉

皇太后自杭州

回鑾○丁未諭尚書銜錢陳羣原係刑部侍郎著加恩賞給刑部尚書銜○乙卯命潘築直隸各河隄代賑○丙辰命山西歸綏道移駐綏遠城○戊午

上奉

皇太后臨幸江甯府○己未

上

祭 明太祖陵○閱兵○庚申諭吏部開具在京部院三品以上
官請旨甄別以重察典見在新疆辦事之尚書阿桂永貴宣力西
陲懋著勞績著交部議敘在內之協辦大學士尚書兆惠梁詩正
尚書李侍堯阿里衮劉綸舒赫德秦蕙田富德侍郎明瑞子敏中
俱勲慎稱職著一併交部議敘侍郎何國宗內閣學士世貴俱年
力就衰著以原品休致寶光纂職見迂拙自是不宜副都御史之
任著以對品另用餘著照舊供職○免江南江甯蘇州浙江杭州
附郭諸縣本年額賦○辛酉賜江南召試諸生程晉芳等五人舉
人與進士吳泰來等三人並授內閣中書○壬戌祭 江神 上
率 皇太后渡江○癸亥諭軍機大臣等朕車駕所經惟橋梁道
路葺繕掃除爲地方有司所宜修補其綵亭燈棚一切飾觀之具
屢經降旨飭禁今江浙兩省逾巷尚有踵事因仍者此在蘇揚鹽

市商人等出其餘貨偶一點綴本地工匠貧民得資力作以需微
潤所謂分有餘以補不足其事尚屬可行若地方官專欲做而效
之以爲增華角勝則甚非奉職之道嗣後督撫等其實力禁止一
切展去浮靡以崇實政如有仍蹈故習者將來惟該督撫是問著
通行傳諭知之○諭朕巡幸所至凡地方驟備一切節具殊覺繁
俗已屢降旨禁行斥禁因念回鑾直隸時節令適近端陽恐地方
官不無黽飾節景或於趙北口有供備龍舟之事著方觀承先期
實力飭禁毋得稍踵靡文以副朕意

夏四月己巳諭江南瀕臨朔河沮洳之區蘇潦堪虞朕爲澤國生
民求保障安全之計親親規畫如金灣淤壩清口大塘河所有應
添石壩土隄及挑挖疏濬各工該督撫等悉心妥議以聞○庚午
祭 淮神○上閱高家堰諭自濟運壩至運口接建甌工○祭

河神 上奉 皇太后渡河○癸酉命莊親王允祿等恭奉

皇太后由水路回鑾 上登陸由徐州閱河○甲戌命總督兼御

前大臣內大臣銜者班次列將軍前○丙子 上閱黃河岸新隄

○諭徐州迤西之毛城鋪石壩向遇黃流盛漲隨時啟放宣洩第
司事者經理或未協宜既恐分減水勢難以併力刷沙且過水太
多有妨民田廬舍前南巡時籌度指示令河臣等慎重封閉毋得
擅啟比年以來中泓制深見至九尺三寸成效已著銅沛各屬生
計亦均改觀第念水束流深自屬經常不易之法其一時偶至暴
漲不無漫灘出槽積久遂成淤墊議者欲於北岸新隄改建石壩
以資減洩不知有洩則必有淤其爲微湖荆橋等處之患尤不可
不爲深慮今回鑾取道再行規畫與督撫總河諸臣悉心講求自
蔣家營傅家窪等處形勢不宜節宣當如常堅閉外惟毛城鋪迤

東之唐家灣向有側引河可以酌量分洩然不詳定水誌工員無所遵守應遵洪澤湖開放清口見定之規於唐家灣引河亦視徐城水誌長水一丈一尺無庸開放若長至一丈一尺五寸以上再將引河開放俟漫灘水落卽行堵閉仍令該管隸河臣於按誌應放時一面奏聞一面辦理清口並照此例行其睢河爲唐家灣下游如遇減水稍淤隨宜相機挑浚俾引河減出之水無致壅滯

○丁丑閱嶧山湖○以伍齡安爲禮部左侍郎

原任禮部尚書

○庚辰

上詣

孟子廟行禮○謁

先師廟○

賜衍聖公孔昭煥幣○辛

巳 上謁

孔林○諭禮部侍郎員缺著張泰開調補仍留學政

之任刑部侍郎員缺著葉存仁補授蔡鴻葉著補授副都御史仍辦刑部侍郎事務其副都御史事務卽著葉存仁辦理○壬午

上詣

岱廟行禮○

調永泰爲雲南布政使顧濟美爲廣西布政

使○以蘇爾德爲湖南布政使胡文伯爲江蘇按察使

由糧道遷

○甲

申諭德保顧汝修奉使安南顧汝修於已離該國輒自致書詰責見小乖謬德保雖稱曾經勸阻不從然伊旣爲正使所司何事且並不據實參奏今復命行在德保身係滿洲翰林又何至遲到在顧汝修之後雖據稱先至靈巖寫摺而朕至靈巖伊並未跪接至晚始交奏摺其巧辨無能更不待言顧汝修已經革職德保著交部嚴察議奏尋議德保照徇庇例降三級調用不准抵銷從之○以全魁爲內閣學士

山祭酒遷

○乙酉諭安南世子藩封夙昭恭順朕

心素所嘉予乃者國王黎維禩新嗣特遣使臣德保顧汝修持節往封自受冊以迄禮成該國王深知感戴中朝恩禮敬謹有加乃副使顧汝修於起程之後自行移書詰責且不與正使聯銜合劄朕以其見小乖謬罔知體要已有旨交部處分至該國王於使臣